



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

Broj: 03-1-1-614/22
Sarajevo, 27.02.2022. godine

Na osnovu čl. 5. st. (1) tač. f) i l) i čl. 23. st. (1) tač. c) i r) Zakona o Agenciji za bankarstvo Federacije Bosne i Hercegovine („Sl. novine FBiH“, broj 75/17), čl. 150. stav (2) tačka d), 152., 153. st. (1) tač. cc), 164. stav (1) tačka e) i 171., 173. i 177. Zakona o bankama („Sl. novine FBiH“, broj 27/17), a u vezi sa članom 12. stav (3), (4) i (5) Zakona o Agenciji za bankarstvo Federacije BiH i čl. 7. st. (1) tač. f) i m), člana 16. st. (1) tač. d) i l) Statuta Agencije za bankarstvo Federacije Bosne i Hercegovine („Sl. novine FBiH“, broj 3/18) i člana 14. stav (1) tačka d) Odluke o superviziji banaka i postupcima Agencije za bankarstvo Federacije BiH („Službene novine FBiH“, broj: 90/17), direktor Agencije za bankarstvo Federacije Bosne i Hercegovine donosi

RJEŠENJE



1. Poduzimaju se mjere rane intervencije u Sberbank BH d.d. Sarajevo (u daljem tekstu: Banka) preuzimanjem kontrole nad Bankom, uvođenjem eksternog upravnika, obzirom da je ocjenjeno da mjere predviđene Planom oporavka ne mogu biti realizovane u kratkom vremenskom roku, a sve u skladu sa procjenom i značajem Banke u finansijskom sistemu i njenom utjecaju na sistemski rizik, u cilju očuvanja stabilnosti bankarskog sistema, zaštite deponenata i povjerenaca Banke, te očuvanja sigurnog, stabilnog i zakonitog poslovanja Banke.
2. Funkciju eksternog upravnika će u periodu od 01.03.2022. godine do 28.02.2023. godine obavljati slijedeća lica:
 - Jasmin Spahić,
 - Jasmina Dobrača,
 - Enver Lemeš i
 - Sanja Primorac Brkić.
3. Eksterni upravnik kao kolektivni organ je ovlašten i odgovoran za zaštitu imovine i preuzimanje kontrole nad poslovanjem Banke i donošenje odluke o nastavku poslovanja Banke, a sve u okviru ovlaštenja nadzornog odbora i uprave banke u skladu sa Zakonom o bankama, odlukama Agencije i internim aktima Banke.
4. Lica iz tačke 2. ovog rješenja koji obavljaju funkciju eksternog upravnika imaju ovlaštenje da zastupaju i predstavljaju Banku u pravnom prometu, s tim da minimalno dva lica iz tačke 2. ovog rješenja moraju biti potpisnici u zastupanju Banke u pravnom prometu.

5. Danom uvođenja eksternog upravnika u Banci iz tačke 2. ovog rješenja prestaju sve ovlasti dosadašnjih članova Uprave i Nadzornog odbora, kao i svi ugovori na osnovu kojih su isti obavljali dužnosti u Banci.
6. Dosadašnji članovi Uprave i Nadzornog odbora ne ostvaruju pravo na isplatu ugovorene otpremnine i varijabilnih naknada, nezavisno o tome je li ostvarivanje takvih prava bilo ugovoreno s Bankom ili je proizlazilo iz drugog akta Banke.
7. Eksterni upravnik je dužan u roku od 15 dana od dana imenovanja sačiniti i dostaviti Agenciji izvještaj o finansijskom stanju i uslovima poslovanja Banke.
8. Eksterni upravnik je dužan na sedmičnom nivou izvještavati Agenciju o poslovanju Banke, njenom finansijskom stanju, odnosno bez odlaganja obavijestiti Agenciju o svim okolnostima koje mogu imati utjecaja na finansijsko stanje Banke, a po zahtjevu Agencije dinamika, obim i struktura izvještavanja može biti i drugačija.
9. Eksterni upravnik je dužan postupati po nalogima i uputama Agencije i redovno izvještavati Agenciju o izvršenju naloga i uputa.
10. Ovo rješenje bez odlaganja se dostavlja eksternom upravniku iz tačke 2. ovog rješenja i Banci, te se o istom obavještava Centralna banka Bosne i Hercegovine, Komisija za vrijednosne papire Federacije Bosne i Hercegovine, Registar vrijednosnih papira u Federaciji Bosne i Hercegovine, Agencija za osiguranje depozita Bosne i Hercegovine, Agencija za bankarstvo Republike Srpske i objavljuje se u "Službenim novinama Federacije BiH" i internet stranici Agencije i upisuje se u evidenciju banaka iz člana 20. Zakona o bankama i registar društava kod nadležnog suda.
11. Žalba na ovo rješenje ne odlaže izvršenje istog.

Pouka o pravnom lijeku

Protiv ovog Rješenja može se izjaviti žalba Komisiji za odlučivanje po žalbi protiv prvostepenih akata Agencije za bankarstvo Federacije Bosne i Hercegovine – Drugostepena komisija u roku od 8 dana od dana dostave Rješenja. Žalba se podnosi putem organa koji je donio rješenje ili Drugostepenoj komisiji direktno, neposredno ili putem pošte na adresu Agencije.

Shodno članu 12. st. (3), (4) i (5) Zakona o Agenciji za bankarstvo FBiH, žalba ne odlaže izvršenje ovog Rješenja.


DIREKTOR

Jasmin Mahmužić

